

小方壺齋

小方壺齋

西征紀程

新化鄒代鈞著

光緒十一年秋○○天子命太常寺卿貴池劉公瑞芬出使英吉利俄羅斯兩國所以修好也曾威毅伯薦余隨行於是有西征之紀十二年春正月余自金陵之上海入行轅天后宮居焉天后宮在上海縣城西北前臨吳淞江江小而深西達蘇州東入黃浦往來舟楫甚夥二月十二日庚子與同人自行轅攜裝載小舟浮吳淞入黃浦汴洄而上至法蘭西通商之埠登法公司輪船少頃○○欽憲劉公始至船名沙駕林長二百四十尺廣三十尺能載六千七百二十萬斤凡三層下層載貨物中層兩旁爲客舍中爲前後長廳諸人會食之所也上層如樓敞其四周繞以鐵闌爲行廊以供臨流憑眺中有客廳有船主住房有水手執事之隙地前後均有四方而高之臺前臺住舵師以察行向後臺則嚮人測日星以定地之經緯度者也客舍有上次之別總署定章惟○○欽差參贊居上舍餘居次舍隨行出使者凡二十人余次最末因照章居次舍同人爲吳縣潘子靜志俊獨山莫仲武繩孫陽湖余易齋思詒江甯梅雪樵壽祺石鳥程沈裴莊金午桐城張遜先祖翼吳縣汪子玖奎綬胡蔭菊樹榮上元方子涵培容貴池吳子庚焯陽湖王翰卿文藻上海蘇治生紹良石埭楊葵園自超上元方香林懋熏凡十九人置行李稍定適曾重伯孝廉廣鈞招飲因赴之即留宿與重伯及胡子威元儀子正元直兩拔萃作竟夜談至四更始就寢

十三日辛丑早鐘六下余起見重伯與二胡尚未醒也不欲驚其睡書數行留案上道遠別即行至黃浦江上登輪船早餐畢起旋展輪北行十四海里至吳淞口入大江轉而東南行依東沙之南出大江口入東海又東南至馬鞍羣島之東北以海霧蔽空不辨尋常之外而定海之東島嶼錯列恐不良於駛駕或至誤觸因停輪以待霧霽西北望崇明隱約可識按唐武德中吳郡城東三百餘里江面忽涌二州謂之東西二沙此東沙爲古東沙在今東沙之西北漸積高廣漁樵者依之遂成田廬五代時謂之顧俊沙楊溥改顧俊沙爲崇

明鎮宋天聖中續涌一沙與東沙接民多徙居之而姚劉二姓爲盛因名姚劉沙建中靖國初又涌一沙於西北相距五十餘里以三次疊涌故又謂之三沙嘉定十五年改崇明鎮爲天賜場屬海門縣元至元十四年置崇明州屬揚州府明洪武中降爲縣屬蘇州府宏治中改屬太倉州○國朝因之前明防倭嘗以崇明與北岸之蓼角嘴爲長江第一重門戶若今之海防則所守不在此緣今所防者爲輪船非水深不能行不如帆船之處處可入也江口廣幾二百里崇明居中扼塞分爲南北二水道崇明與通州之蓼角間爲北水道皆平淺沙灘深處纔十餘尺西自崇明之東南嘴東至海中之佘山一名沙尾山又東南自佘山東北至蓼角其間沙互相屬殆無隙地以阻北水道之口故惟帆船可行火輪巨艦從無過其地者崇明與南匯之九團間爲南水道晚近於南水道中又涌新沙自西北至東南互百餘里與崇明爲平行勢亦名東沙同治初東沙上又出二小島於是東沙又分南水道爲南北二水道南水道之北道口內頗深而口門當佘山之南迤邐皆淺沙卽西人行海圖所謂大揚子灘者深處不過二十尺輪船亦未嘗通行故西人名爲假水道長江之口雖一望無際而能行火輪巨艦者僅南水道中之南道耳南道口置有燈船以爲夜行標識口內兩旁仍多淺互僅中通一道廣不過三四里入口者須西北過吳淞口至崇寶沙南與寶山縣城相對實東沙之西北尾也始出東沙險東沙之內又狼福兩山間之沙淺尤爲難行蓋江流至江陰靖江間而極狹江面不過三里過此而東江面忽增廣至三十里水勢因而散緩多停沙爲淺灘東南自南岸之白茆司西圖曰布魯法角西北至北岸之假山角相距殆百里西人名爲狼山渡言行此道須由東南岸亂流而至西北岸也左右沙綫密布惟中泓一水可通輪船廣處不過五里狹處或僅一里近世言江防者咸以江陰爲重地然明險則在江陰隱險實在狼山渡與東沙耳竊謂江防大勢當於南匯之九團置堅臺大礮爲第一重門戶次則扼寶山城與崇寶沙爲第二重門戶吳淞口爲蘇淞扼要於江防無甚關係次則扼狼山渡爲第三重

門戶惟淺沙間有遷徙需製鐵甲礮臺船隨時測水深淺相地安置以扼險要

按西人鐵甲礮臺船有二類一爲戰船底深岸峻奔

馳於怒濤駭浪之中用以決勝者一爲守護海岸之艦其頓力速率皆測於戰船入水特淺能近泊海岸與陸壘聯勢此當用守護海岸之類則雖火輪飄馳亦難飛渡矣要之

防寇之道與其防之於堂奧之間不如防之於門庭以外若至江陰則入門庭而及堂奧矣且隘港淺水

邊卽飛彈偶有不中而彼多顧忌稍一不慎卽陷於沙而來船必由之路不過數處平時置礮能測量遠

近準數以合礮度高低使彈綫恰中來路則臨事不至虛發較之水深浪闊茫無把握者又事半功倍

矣鐘四下霧稍收乃展輪向南行過馬鞍羣島之東又南過柳根峯島之東又南過漁人羣島之東羣島

西約百里卽浙之定海按定海爲甯波東海中島一名舟山春秋時吳王所居之甬東也唐開元中始置

翁山縣宋熙甯中改置昌國縣高宗爲金人所迫曾航海至此元爲州明復爲縣明初瀕海郡縣屢被倭

患信國公湯和巡海道以昌國孤懸海島易生寇盜乃爲清野之計徙民以墟其地至嘉靖中遂屢爲倭

所據故唐順之謂信國此舉未必非千慮之一失○國初明遺臣張名振張煌言奉魯王據舟山迨東南

海氛旣靖始置定海廳當時守舟山者黃斌卿旣爲王朝先所破阮駿又爲陳錦所破田雄又爲鄭成功

所破於是議政王大臣有舟山乃○本朝棄地守亦無用之奏田雄亦言舟山易克難守道光二十年英

夷犯順直寇定海於是魏默深先生源又言城偪海濱船抵城下與臺灣瓊州崇明形勢迥殊以從古未

嘗置縣之地而徒貽外人之挾制竊謂前人之說皆謂守城夫險要旣失兵臨城下卽高深堅固類不能

守方城爲城漢水爲池其言雖夸其理至當故守舟山者其要在於拒險但舟山羣島數十南北斷續遙

接幾三百里港汊紛歧水道不一非兵單力薄所能爲功然舟山不守無論甬江之藩籬盡徹卽長江之

屏蔽亦空海疆有事舟山實爲吳越重鎮

甯波之北爲錢塘江口皆淺沙不通輪船

當今力籌海防勢必多製鐵甲兵輪而沿

海一帶又應隨處擇便利之地造船塢修整機輪命爲專駐兵輪之埠定海港內水深澳曲能避四方之

風若置塢專駐兵輪則礮臺必堅兵力必厚而海疆重鎮亦因之而固矣夷考其形勢凡可通輪船之水
道可得而言也其舟山之南在錢倉所觜與六橫山間曰牛鼻水道在六橫山與蝦岐山間曰比克水道
在蝦岐山與桃花山間曰佛能水道在桃花山與朱家尖間曰撒拉格里水道

牛鼻爲難守如錢倉所觜牛鼻山梅散島前島六橫山之東南觜均宜扼之以固第一重

甲礮臺船次則扼六橫山之西南觜及佛土山梅山以固第二重則牛鼻水道保無虞矣他如扼銅鑼山圓錐

峰佛能觜

矣舟山之北以橄欖角與蘭秀山間

山皆必守之地舟山之西則扼魚山首島以爲外蔽扼馬目山冊子山金塘山殭人島以固孤茨冊子金

塘三水道扼招寶山以固甬江口舟山東之沈家門金河島北朱家尖間雖有水道輪船未能通行可無

過慮惟東北之長塗山漁人島非地由島大衢島大用島小羊山大小戢山泗礁黃龍馬鞍等羣島雖爲

孤絕之地然輪船恆停泊其間以避風霧亦宜收爲汛地置兵房屯戍卒設電綫通斥堠使敵船無寄碇

之處則長江之外又晏然無驚矣

口而口外島嶼尤不可忽若平時漫不經略視爲荒穢一旦爲敵人所據進則盡攻擊之長退則收停泊

之利太阿之柄未免授人似防海者所宜知也

十四日壬寅船已夜過舟山向西南行過象山縣東南海中之韭山至石浦壇頭山外大洋壇頭山一名

石壇山明之倭寇嘗望此山收泊嘉靖中設軍哨守今輪船亦嘗於山之西南寄碇壇頭之西爲牛頭山

中間相距約六里曰石浦水道牛頭之北三里曰險島又北三里曰東門島又北四五里爲大地卽石浦

廳石浦之東有山南伸入海與東門對峙如門然故東門島又名天門山前年法蘭西邀擊援臺師船於

此其船至今尚沈石浦港內又西南行過黑山之東黑山爲羣小島其西北百里爲三門港乃石浦與健跳所間口門上承甯海縣水道

爲甯波台分界處

明代爲戍守重地今輪船亦能入口其牛頭山西南角金洋島

大佛頭山生佐治島

西圖名

台明嶼

西圖名

桃頭角皆險要處又西南行過大陳山之東大陳山西圖名爲

台州羣島南北兩大島對峙東西皆小島環列中間水深至百尺爲收泊輪船安處明人紀載謂台州之

山惟大陳膏腴且有淡水每爲倭賊所據故防守最切大陳之西北三十五里有竹嶼亦輪船寄泊處竹

嶼之西爲台州灣灣內爲海門港一曰椒江上通台州港口南岸爲海門衛明代論者謂海門之防視定

海尤棘

明之定海今鎮海也

今椒江口外潮退時水深僅八尺而口內水深或至三十尺輪船間有乘潮渡淺互入

口汭流至台州城下者日中舟人測日躔過午綫高弧又以所測午正與度時表校求時差知所至爲赤

道北二十八度十六分○京師偏東五度四十八分自上海至此行二百八十一海里

用海里求中里爲六十與二百之比

測處當太平縣東南五十里海中松門山之東一百二十里松門山之西大地爲松門司又西南行過玉

環廳之東玉環本温州東北海中山東與楚門所對峙爲楚門港港口有雞臍島橫塞雞臍南爲大鹿島

兩島間甚便輪船停泊故守雞臍與楚門之東南甯玉環之基忙甯爲港之門戶又西南行過温州灣外

灣爲甌江入海之口甌水深闊輪船往來温州城下口外島嶼錯列其黃大鰲虎頭山河建島三盤山鳳

皇山數處皆爲守口切要而鳳皇山之南有牛港輪船每來收泊又宜守大鰲島南策島以清其外又西

南行過北岐南岐兩羣島之東兩岐南北相距約四十里均便輪船寄旋其西爲瑞安縣飛雲江入海之

口口門皆淺沙又西南行入臺山洋以臺山羣小島而名也其西北爲南關港港北爲平陽縣之鎮下關

明爲水寨有官澳駐泊舟師今港內深闊甚便輪船停泊南關港之東曰南關澳南關澳之東曰北關港

扼南關港之南甯及鎮關島屏峰島則三口皆固矣南關港爲閩浙分界處又西南行則入閩海矣

十五日癸卯天將明風起浪作船盪搖特甚臥聽飯廳食具有頃刻作破碎聲者少頃風稍平自入閩海則過福瑤山之東福瑤爲福甯東海中之島西北爲流江西南爲烽火門明代皆水寨重地福瑤西與大地間之裏山澳及福瑤東北二十里之引考克羣小島皆爲輪船寄泊處引考克之東卽臺山羣小島也又西南過七星羣島之東七星之北曰鎮島又西南過東引山之東鎮島與東引均便收泊東引羅源縣東三沙灣口外島也灣內水深至百尺其灣口之雙峰島蜘蛛島及南岸之北菱司皆皆爲口門外蔽北岸之東樹山尤近內之險要也又西南行過閩江口之東閩江近世多呼爲馬江以江出閩縣南中閩江口外羣島橫列北曰長岐山南曰馬祖山再南曰白犬羣島三處皆水深浪靜而閩口淺互交錯甚礙舟行凡西船入口者恆於三處阻風候潮防閩口者北守長岐北與北菱司皆成蟬聯之勢自長岐距北菱司長二十五里中間又有馬登島南守白犬西與梅花所之沙峰角南與海壇鎮遙爲聲援自白犬羣島距沙峰角四里中守馬祖澳南北接應馬祖距長岐十餘里距白犬三十里而閩江之屏蔽固矣次則扼琵琶州皆以固第一重門戶扼金牌角長門以固第二重扼閩安鎮以固第三重無論巨艦不能入卽一葉扁舟無由暗度地踞重關之險而馬江又有船塢可以駐泊兵輪聞甲申之役法蘭西兵船徑泊於羅星塔下無或阻者以致乘我不備倉卒開礮毀師船十餘艘數十年之經營一時灰盡論者謂馬江口內多淺沙凡巨艦出入每候潮漲法蘭西既馮藉一二師船深入重險苟守者得人卽師船已毀猶當收集餘軍東扼長門以遏出路或下木石塞海口將見法船之入而不見其出矣且萬國公法凡各國駐兵輪之埠無論敵國兵船不能任其入口卽友邦兵船有過口外遇事須寄泊口內者必先達來意由本埠兵帥指定處使下旋其處必港內受礮之地舉動又甚不便者來船或有他意則無全理乃中法之失和天下共知尙容其兵船深入內港是又理之不可解者法夷既毀我師船退而泊於馬祖澳者旬日則口外之島又不可不早爲之備而以資敵也又西

南行過海壇鎮之東海壇爲福清縣東南海中大島其山如壇故名唐爲牧馬地王氏據閩譴戍多居此
宋初置收馬監皇祐中許民耕墾戶口遂繁明初徙民以墟其地萬厯中復置水寨○國初平鄭氏駐總
兵其東北二面無深港大澳惟東南之海頭角與海壇角間尙可避風其西與大地相距間爲海壇夾夾
之南北口均小島環列甚有關鍵夾內亦廣闊但淺深相間水道頗隘耳又西南行過興化灣之東南灣
在興化城東可以棲泊灣口有南日嶼又名南匿山明之水寨也嶼之西爲南日水道口門東西距僅數
里嶼之東爲興化水道中多小島萬安寨之西觜水道中之紅嶼崎嶇島相望爲犄角然防守所重在於
海壇蓋海壇北可以顧閩口南可以蔽興化也明洪武中江夏侯周德興經理閩海置烽火南日活嶼三
寨於海中正統中遷烽火南日於內地景泰中又遷活嶼於廈門於是三寨皆爲番舶所據浸淫至嘉靖
以後禍乃大發論者謂徙三寨實自棄其藩籬也夫明之防倭於拳石小島守之則得棄之則失況今之
防海禍患有百倍於倭者於海疆各島豈可忽視乎哉又西南行過平海灣之東南灣之東北岸駐平海
縣丞國莆田又西南行過湄州灣外灣口之東有湄州嶼一名鯨山宋林光朝云湄州隔岸視之約六七里
有田數十頃可耕而食蓋水中可居之地也灣之西北岸爲莆禧所所之西爲吉蓼寨明代論興化海防
者以吉蓼平海三江爲要平海卽今縣丞所駐三江則興化灣之內港也今湄州灣內可停泊口外有鳥
邱小島上置燈塔又西南行過小岞港外港之北觜曰古來角南觜曰大岞角大岞之西爲崇武所亦明
代防倭處又西南行過泉州之晉江口外晉江西圖曰泉州港其東北岸卽崇武所與西南岸祥芝角相
對爲港口約三十里港中有大墜小墜二島及西南岸之日湖觜皆扼要處然僅能停泊港口晉江水淺
輪船未嘗至泉州城下泉州東與臺灣北境相對自泉州港至臺北之竹塹社海口約四百里臺灣自古
不通中國宋史謂澎湖東有毘舍那國或言卽此明代稱爲東番又名爲北港嘉靖中海賊林道乾竄踞

其地旋爲琉球人所逐天啟中日本人得之於琉球迨荷蘭人經略南洋羣島遂取臺灣於日本○國初鄭成功復取之於荷蘭康熙二十二年始收入版圖當日○廷議有謂其孤懸海外欲棄之而守澎湖者惟靖海侯施琅言澎湖爲漳泉門戶臺灣爲澎湖唇齒無臺灣則唇亡齒寒不特澎湖可慮漳泉亦可憂也且臺灣地大物博可富可強可戰可守棄之則不歸土番不歸琉球不歸日本而必歸於荷蘭恃其樓船火器又得形勝膏沃是藉寇兵而資盜餉論者謂靖海之言爲深識遠慮邇年日本法蘭西先後犯之故○朝廷移巡撫於臺灣撥總兵於澎湖以形控制澎湖在臺灣西二百里隋開皇中遣虎賁陳棱略澎湖地元末始置巡司明初廢之萬厯中復設兵守險爲重地天啟後亦沒入荷蘭今華蓋峰之西北觜尙有荷蘭礮臺蓋其舊蹟前人載籍均謂澎湖三十六島巨細相間云又西南行過深滬灣之東南灣北觜爲永甯所南觜爲深滬巡司皆明之戍守處又西南行過圍頭澳之東南澳北通安谿縣東岸爲圍頭角西岸爲金門鎮口門相距約二十里門之西有北定島矗出水面置燈塔又西南行過金門鎮與廈門廳之南金門爲同安縣東南海中島舊曰浯州嶼明初築城爲金門千戶所廈門島亦在同安縣南海中舊又名嘉禾嶼明初築城爲中左千戶所天啟二年荷蘭犯廈門總兵徐一鳴守距卻之○國初鄭成功據金廈爲巢穴康熙十九年康熙王督師入閩鄭經始棄金廈歸臺灣○朝廷於是駐同知於廈門駐縣丞於金門復駐總兵焉金廈兩島相距二十一里港中峙小金門島東至金門之塔嘴西至廈門之西南觜均不及十里實爲金廈口門切要小金門之西南爲大擔小擔又西南爲浯嶼卽明設水寨處又西南爲大武山東南觜卽抵大地數處接遞相望又爲廈門與大武山間水道之關鍵金廈兩島之外口東北卽圍頭角西南爲鎮海城東南之鎮海角鎮海角之東南海中有堂島亦置燈塔與東北之北定島爲東西兩路夜入觜門之表也自廈門東南至澎湖之馬公港約四百里爲澎湖至內地最近處故由澎湖渡臺

者率自廈門放洋日中舟人測日躔高弧又校求時差知所至爲赤道北二十四度六分○京師偏東一度四十七分自昨午至此行三百二十九海里測處在堂島南約十五六里望堂島與小金門爲正北金門爲北偏東廈門爲北偏西又西南行過漳州之虎頭澳外虎頭澳西圖名爲浮頭灣漳浦城外南谿入海之口也水淺西船不能入口澳南有羣小島西人呼爲禮是島似卽前志所謂石城嶼言海中亂石叢雜望若城壁者今羣島間水道西人亦呼爲禮是門言羣山環繞如門也其中深處西船亦嘗寄泊又西南行過銅山港外港爲雲霄縣漳江入海之口港之東岸爲古雷寨卽明之鼓雷巡司西岸爲銅山營城卽明之銅山所相距不過十里口外數十里有羣小島曰兄弟島航海者指爲表識又西南行過南澎羣島之南南澎北當詔安灣灣口東背爲詔安頭其北有大冒山山下爲宋末陸秀夫奉帝昺泊舟處西背爲懸鍾柴卽明之元鍾千戶所也口門相距約十里中有高島方島列峙詔安灣西爲淺澳口門甚隘閩粵分界處也又西南行過南澳鎮之南則入粵海矣南澳爲潮州饒平縣東南海中島舊多居民明初徙民入內地嘉靖中遂爲倭夷所據其後海寇吳平許朝光等亦窟穴其間萬厯中始屯重兵○國朝駐總兵焉南澳之北爲柘林澳乃黃岡谿入海之口在明亦爲戍守地今皆淺沙南澳東北之吳平寨對北岸雞母汛南之陳旗頭相距十五六里爲南澳港之東口南澳西之長山尾對西近澄海岸之大萊蕪島相距亦十五六里爲南岸港之西口西口內有小島曰侍郎州其東南可泊輪船又西南行過汕頭之南汕頭本澄海縣西南市鎮卽明之鮀浦南臨馬嶼港港之南爲達豪營港之西爲潯洞匯匯西北受玉窖水北受韓江南通練江東自馬嶼港入於海港水深泓能容泊巨艦西人利之自通商以來汕頭遂爲繁盛閩閩港口有小島曰馬嶼距南北岸均不過三里橫塞中流爲防守要地按韓江出福建之汀州曰汀江入潮州境始曰韓江因退之驅鱷魚而名其入海之口分爲數道其最北者曰旗頭港迤南曰飛錢港再

南曰大州港曰蓬子港曰北港

以上各港均在南澳西口內入海

曰南港轉而迤西曰金獅猴港再西曰新港港口南對

馬嶼再西曰東港則由汕頭之西流入潯洞匯者也皆淺沙輪船未嘗出入蓬豪營之東南觜曰廣澳角

東北望南澳之長尾山西南對海門所南之海門角亦臨海形勝又西南行過海門所之南所屬潮陽縣

西臨練江入海之口明代戍守今水淺僅通帆船又西南行過石牌澳之南石牌在惠來縣東南澳東北

爲靖海所澳北山勢迤邐臨海之濱有燈塔又西南行過神泉所之南所臨神泉港口明代海寇出沒嘉

靖中築城屯兵又西南行過甲子所南所爲惠州陸豐縣地臨甲子門傳聞海口大石壁立上下各有六

十甲子字故名宋帝昴自閩航海曾駐此其東南爲甲子角角西有澳便輪船停泊甲子所之西爲湖東

轍臺據臨海山巔望之如華蓋甚易辨識航海者恆以爲準自日昃後船行稍緩以當泊香港計程不值

竟夜行若夜半抵口畏險不便駛入特緩機輪以俟天明耳

十六日甲辰船夜過湖東又西南行過碣石鎮之南碣石在陸豐東南臨海明爲碣石衛今駐總兵鎮南

爲淺澳角

亦曰田尾角

西對海豐東南之石獅頭觜

亦曰白沙角

相距約三十里爲碣石灣口門灣內承大德港烏

墩港皆北通陸豐城下烏墩東南爲金箱汛又東南爲崎石汛皆背倚山麓前臨大海自崎石迤南至淺

澳爲寄泊輪船之處石獅頭之西南爲遮浪角東望淺澳西連捷勝甚得形便又西南行過捷勝所之南

所爲碣石鎮右營駐處其南海中有龜齡羣嶼最大者曰山羊島島西便泊輪船又西南行過紅海灣之

南灣內有紅海島島北爲長沙港東北通海豐城下港口又名麗江浦文信國敗於空坑走惠州出海豐

次於麗江浦卽其處也長沙港之東南爲汕尾港港口北岸駐墩白縣丞市舶亦嘗聚集又西南行過平

海所之南平海屬歸善明爲千戶所今駐水師營其東南伸入海中之角曰大星表

西圖曰富克角

角西北爲平

海灣輪船便於寄泊大星表與西南海中之面陀薩島相距約七八里平海灣之西北有大灣曰霞浦

西圖

曰白耶灣內有數小島南北中互灣之東岸爲碧甲鄉其北有範和港西圖曰卽文信國駐軍之涌船澳

也灣之西岸爲廣州新安縣之大鵬所駐大鵬協左營并縣丞所之南爲東山村村西南臨海之角曰大

鵬角東南臨海之角曰溪躋角溪躋南六里海中爲沱瀉島東對面陀薩島相距約三十里爲霞浦灣之

外口灣內中互最南之島曰三管筆西對東山村之鹿嘴三管筆之東有倍德島東對碧甲鄉之牛頭卡

嘴四處蟬聯相距遠者不過十里又爲霞浦灣之內口又西南行過大鵬海之南大鵬海東北岸卽大鵬

所其西南岸爲大鵬協所駐之九龍汛四山環繞中間水深岸峭爲停泊勝地而西岸又有瀝源港口門

甚狹口內能容萬艘水深至八十尺大鵬海口西曰鳳頭東卽大鵬角相距約十七八里其間復有獨牛

州中矗若於口門擇便地築堅臺置大礮修船塢於瀝源港內以爲粵海常駐兵輪之埠有事之時西可

與虎門相應又於霞浦灣等處開置商埠接安鐵路西達廣州以運出入口貨物使香港澳門之商務盡

萃於霞浦則英葡等國當廢然思反矣又西南行過九柱羣小島之南羣島時列海中如九柱然故名九

柱之北有海港港內島嶼錯雜其金島貴島南北相接中分港爲二東曰石頭港西曰避風港石頭口門

曰小欽門廣約三里避風口門曰大欽門廣約六里均便輪船寄泊二港之北爲鮑山卽瀝源港南岸地

九柱之西爲南佛堂島西圖曰島北對鮑魚灣南嘴僅半里許水甚淺爲佛堂門南對香港之大龍角約

五里爲大東門由東南入香港水道也余船至南佛堂之南轉而西北行入大東門過南佛堂之西又西

北入鯉魚門至英吉利埠北泊焉英人名此埠曰維克多利亞蓋以其女主之名名之自昨午至此行二百六十海里香港本廣州

新安縣南海中島舊爲紅鑪汛駐地英吉利埠在島之北偏西北對九龍汛南之尖沙嘴爲侯官林文忠

公則徐勦夷處其東卽鯉魚門乃香港之東北嘴與九龍東南之棺檔山相對而爲門者也兩山夾峙中

通水道僅里許門以內廣闊數十倍之西至尖沙嘴南而復隘其西爲大嶼山乃大鵬協右營汛地廣袤

一、二、三、四、五、六、七、八、九、十、十一、十二、十三、十四、十五、十六、十七、十八、十九、二十、二十一、二十二、二十三、二十四、二十五、二十六、二十七、二十八、二十九、三十、三十一、三十二、三十三、三十四、三十五、三十六、三十七、三十八、三十九、四十、四十一、四十二、四十三、四十四、四十五、四十六、四十七、四十八、四十九、五十、五十一、五十二、五十三、五十四、五十五、五十六、五十七、五十八、五十九、六十、六十一、六十二、六十三、六十四、六十五、六十六、六十七、六十八、六十九、七十、七十一、七十二、七十三、七十四、七十五、七十六、七十七、七十八、七十九、八十、八十一、八十二、八十三、八十四、八十五、八十六、八十七、八十八、八十九、九十、九十一、九十二、九十三、九十四、九十五、九十六、九十七、九十八、九十九、一百

過於香港其東北角北與大地屯門汛岸相間僅三里許曰急水門急水之東爲馬鞍島又東爲青衣潭
 島兩島間爲雞踏門亦西北通急水是自香港西北達廣州之水道也大嶼與香港二島間爲南丫水道
 因近香港西南隅有南丫島而名水道隘處十八里其中有坪州校椅州頗形控制是自香港西南至老
 萬山南而出大洋之水道也香港海道四達高山環繞中泓深闊水波不作自海禁既弛西船來廣州貿
 易者率於入口之先出口之後在此寄泊道光十九年英吉利販鴉片流毒中土○○○宣宗成皇帝軫
 念小民疾苦特簡林文忠來粵督防海事嚴禁鴉片入口羣夷震懾報繳零丁洋薹船囤貯之鴉片二百
 數十萬斤公臨虎門驗收盡焚之旋定販鴉片新律以圖善後而英吉利領事義律不具生死甘結○朝
 廷以英夷自外生成倖其貿易義律竟招來孟加拉兵船屢犯虎門我兵均擊卻之夷船泊尖沙嘴爲負
 隅計公復遣將進剿始倉皇遁去公以尖沙嘴及嘴北之官涌均重地乃奏置礮臺屯兵守望又謂廣東
 虎門海口爲中路扼要之區於嘉慶十五年設水師提督駐其地西則香山東則大鵬形成兩翼香山向
 駐副將轄兩營額兵一千七百九名兵力較厚大鵬原止一營設參將所轄洋面四百餘里其中有孤懸
 洋面之大嶼山廣袤一百六十餘里道光十年分大鵬爲兩營而額兵仍九百九十八名之數較之香山
 營制已有軒輊且所轄尖沙嘴洋面近年更爲夷船所聚泊於是奏改澄海協副將爲大鵬協副將移駐
 大鵬所轄之九龍山而以大鵬參將移置澄海添設大鵬額兵五百名而大鵬聲勢遂與香山相埒而防
 守益固矣按廣州口外即詳洞江入海之口羣島羅列老萬山以南爲外洋北爲內洋而老萬山一帶島
 嶼雖多形勢散漫論其險要則應以大嶼山西南角西對香山之望廈汛爲第一重口門但口門相距約
 五十里復無淺沙之險非岸礮所能扼又應守大嶼西南之榕樹頭島三角島及望廈南海中之九澳島
 大小橫琴山以爲口門犄角而大嶼東北又宜西南扼坪州校椅州東北扼仰船州青衣潭以固急水門

次則以新安縣城西南臨海之赤灣嘴與零丁島

島之西南曰零丁洋文信國爲元兵所執有零丁洋哀歎零丁之句即此及香山縣東南海

中之淇澳爲第二重次則以虎門廳東南之沙角及南沙山之大角頭爲第三重次則大虎島居中扼要而以東岸之南山礮臺西岸之鞏固礮臺及中流之南北橫檔爲大虎外蔽當日林公籌防雖力薄不能守外口而沙角橫檔虎門諸險則布置周密無罅可乘又以重兵西駐望廈以清澳門之奸東扼九龍以保尖沙之險夷船進不能攻退無所泊於是遷其狂蹤於浙之舟山若當時海疆大吏悉能以公之守粵者守其土地則英吉利雖強不難俯首就款乃卒爲忌者所中傷使公不竟其功代者悉徹公所設防以速和議夷船遂橫行海上廣州幾於不守後之通夷情識夷務者遂專以割土地輸金幣爲事而大局竟委靡至今日未嘗挽救有心人所爲太息痛恨而不能已者也道光二十二年英吉利請香港爲通商地當事以彈丸荒島不足惜○朝廷亦欲息兵鳩民遂與之故香港至今爲英吉利地埠市南倚山麓隨山勢高低爲屋望之千門萬戶上下層疊繁盛殆亞上海

十七日乙巳舟停香港自入粵海以來天氣漸暖在閩海猶著重繇今僅服單羅仍嫌溽暑飯後與同人喚小舟南登英埠街路整潔長衢夾巷相望亦有華式坊肆錯列其間尋登小埠望峰巔有竿所以表風向者西人測峰高於海面一千八百二十五英尺爲島最高處北望尖沙嘴上有西人之房甍之東角有砌石爲隄如方塘者數區云英吉利製造輪船之塢也英人當日所謂者僅香港一島對岸九龍山一帶尺地皆屬版輿咸豐十年春英人始入租賃九龍是年九月與英人續增條約竟割與之按九龍與香港間水道實閩粵往來要路一有阻梗爲害方甚公法凡兩國阻水爲界者其水道爲兩國所共若一國跨水據兩岸地則水道屬之一國香港雖入於英而水道之利我與英實共之至九龍亦爲英有則片土之有無不足惜水道之阻滯爲可虞日暮歸船考香港東西二十六里南北廣處至十六里容積爲方里者

二百五十二其最高峰在島之西偏以爲定點在赤道北二十二度十六分○京師偏西二度十六分人民約二十萬歐羅巴與亞美利加兩洲之人共不過二十分之一英吉利置長官治之兼提督兵事又置刑官則不隸於長官者也其通商之貨出口者爲絲爲茶吾華之產也進口者爲象牙爲鴉片印度之產也光緒十年商冊出口貨值英金一百又五萬二千三百又二磅每英金一磅約合庫平銀四兩進口貨值英金三百二十一萬八千九百四十六磅兩相較吾華歲出之貨多於歲入爲兩倍過之商務凋敝於此可見泰西各國講求商務免出口貨稅惟恐其不輕加進口貨稅惟恐其不重所以使土貨暢銷而妨客貨之侵灌也吾華或反其術而行豈收回利權之道哉自香港西北至番禺城下二百四十里小輪船通行僅半日程西南邊大嶼之南老萬山羣島之北渡零丁洋至澳門一百四十里香港與澳門實東西踞廣州口門地入黃道下陽威特熾炎熱蒸海氣爲雲蜃樓山岫一遇涼風卽成暑雨崇朝之間晴雨屢見

十八日丙午舟發香港向西南行過綠島之西校椅州之東又南行出南丫水道過南丫長洲兩島間又南行至丹杆羣島之西北外零丁島之東南轉而西南行過雞澎羣島之西北老萬山之南入大洋老萬山舊名大奚山前志謂環列三十六嶼周回三百餘里民居以魚鹽爲生宋慶元中知廣州錢之望平私鹽之亂墟其地後生息復繁明初有萬姓者統其眾至今名爲老萬山又西南行過大小橫琴三竈兩山之南兩山在澳門南海中澳門在香山縣南一百三十餘里東西南三面環海惟北與大地連不絕如頸狹處設有關閘屯兵防守關外爲望廈汛汛南則爲澳境自望廈汛西南至海隅長七里廣處二里前明萬厯中法蘭西人築城室於此旋棄之去明季葡萄牙人以厯法聞於中朝徐尙書光啟奏用其法并居其人於澳門於是相沿呼澳門爲大西洋國以葡萄牙瀕大西洋故名之自是泰西人來華者率以澳門爲東道今日腥膻幾徧宇內濫觴實自澳門葡人歲入地租銀五百兩由香山縣徵收自明至今不絕所

入雖薄而名分所存正不可廢十三年當事以葡人代收洋藥稅竟割澳門與葡橫琴東曰九澳北曰舵尾九澳北曰大拔亦曰雞頭

四島間爲十字門輪船停泊甚安處又大拔之東北澳門之東南有下旋處曰沙瀝沙瀝東北卽零丁

洋也橫琴西角曰磨千角西與三竈東角大環山對峙爲寬河口門相距約十二里有鶴洲中疊寬河西

江入海之支流也亦名黑沙洋水頗深上游爲二支東支經香山縣城東北達廣州城下西支卽北通西

江者磨千角之東北曰井澳宋末張世傑奉帝昺遇颶風處也又西南行過高欄村黃竹洲兩島之南兩

島在新會縣南海中兩島北小島尙多其稍大者曰竹篙尾文灣山最北與大地近者曰崖山張世傑以

爲天險因奉帝昺居此崖山東港曰虎跳門西港曰崖門卽張世傑與張宏範戰處又西南行過上川下

川兩山之南兩山在新甯縣南海中上川北至大地廣海寨有主約三十里下川北至海晏汛約十餘里

兩山間相距亦十餘里皆饒香蠟竹藤之利前志謂上川石山下川土山居民舊以賈海爲業前明洪武

中海寇鍾福泉挾倭船寇海晏官軍討平之徙二山民入內地遂成荒壤至今生齒復盛下川之西有小

島曰莽洲莽洲西北大地卽大澳縣丞駐所又西南行過海陵山之南海陵爲肇慶陽江縣南海中大島

山高千餘尺舊名羅洲又曰羅島北距大地十餘里居民頗繁張世傑旣敗崖山將西趨占城復謀入廣

回舟艤此颶風作取辦香祝天越海處也明置巡司爲防海重地東北當北津港西南望雙魚角北津爲

漠陽江入海口上通陽江城下雙魚角爲雙魚港入海口上通雙魚縣丞駐所均淺水不通輪船海陵東

有三小島南北列矗曰大鑊中鑊小鑊高均三百餘尺望之如伏釜故以鑊名三鑊東有南蓬山高七百

餘尺又西南行去粵岸漸遠以船當南出瓊州之東不復西南循電白吳川一帶行也

十九日丁未舟夜過高雷之東而至於瓊州之東西望七洲洋山在數里外七洲洋一名七里山又名浮

邱山在瓊州文昌縣東北大海中七島羅列前志言林木茂密下出淡泉西圖名爲大雅羣島均彈丸拳

一 方 登 香 貝 也 登 少 一 一 央 西 征 紀 程 八 南 清 河 王 氏 鐫 版